

**ACTA DERA SESSION EXTRAORDINÀRIA  
DETH PLEN DETH CONSELH DE DATA 18 DE GÈR DE 2016**

Assistissen:

*Sindic d'Aran,*

Mgfc. Sr. Carlos Barrera Sánchez.

*Secretari,*

Sr. David Montalà Palau.

*Conselhèrs,*

Mgfc. Sr. Luis Carlos Medina Modroño,

Mgfc. Sr. César Ruiz-Canela Nieto,

Mgfc. Sr. Francesc Medan Juanmartí,

Mgfc. Sra. Anna Díaz Morelló,

Mgfc. Sr. José Enrique Arró Cuny,

Mgfc. Sr. José Antonio Boya Quintana,

Mgfc. Sr. Francés X. Boya Alós,

Mgfc. Sr. Amador Marqués Atés,

Mgfc. Sr. Juan-Antonio Serrano Iglesias,

Mgfc. Sr. Francisco Bruna Capel,

Mgfc. Sra. Maria Vergés Pérez, e

Mgfc. Sr. José Antonio Bruna Vilanova.

En Arròs, a dètz-e-ueit de gèr de dus mil setze, en tot èster es dètz ores e quaranta minutes, s'amassen ena sala de conselhèrs dera prumèra planta dera sendença administratiua deth Conselh Generau d'Aran en Vielha -abilitada ar efècte coma Sala de Plens- es membres nomentadi en marge, en tot assistir-i era Interventora accidentau, Sra. M. Carmen Mora Auset.

Er objècte dera reünion ei celebrar Session Extraordinària deth Plen deth Conselh Generau d'Aran en prumèra convocatòria e, un viatge comprovat peth secretari generau era existència de quòrum de besonh entà que pogue començar, ac comuniquè ath sindic que la declare dubèrta e publica e se procedís a balhar compde des següents punts der Orde deth dia:

1èr.- APROBACION INICIAU, SE PROCEDÍS, DETH PADRON DE COBRAMENT DERA TAXA DETH SERVICI DE RECUELHUDA DE LORDÈRES E ETH SÒN TRACTAMENT ENTAR EXERCICI 2016.-

Se manifèste que, dat qu'eth Conselh Generau d'Aran a atribuïda era competència deth servici de recuelhuda domiciliària des residus solids urbans e eth sòn tractament mejançant era delegacion que, en sòn dia, efectuèren es diuèrsi ajuntaments dera Val d'Aran, s'a elaborat eth padron crubatòri dera taxa d'aguest servici corresponent ar exercici 2016.

Dat qu'er impòrt deth padron de lordères corresponent ar an 2016 puge a un totau d'un milion quate cents trenta sèt mil dus cents tretze èuros damb ueitanta ueit centims (1.437.213,88 €) era quau causa supause un increment de 21.457,98 € respècte eth padron iniciau aprovat en exercici 2015.

Cossent damb çò expausat, e vist eth dictamen positiu dera Comission Informativa Permanenta de Servicis Generaus deth Conselh Generau d'Aran de data 14 de gèr de 2016, se prepausa ath Plen era aprobacion iniciau deth padron crubatòri dera taxa deth servici de recuelhuda domiciliària de lordères e eth sòn tractament entar exercici 2016.

Un viatge sotmetuda era prepausa a votacion e debat, s'obtien **tretze (13) vòts a favor** deth sindic e des conselhèrs Mgf. Sr. Luis Carlos Medina Modroño, Mgf. Sr. César Ruiz-Canela Nieto, Mgf. Sr. Francesc Medan Juanmartí, Mgf. Sr. Jose Enrique Arró Cuny, Mgfca. Sra. Anna Diaz Morello, Mgf. Sr. José Antonio Boya Quintana, Mgf. Sr. Francés X. Boya Alós, Mgf. Sr. Francisco Bruna Capel, Mgf. Sr. Amador Marques Atés, Mgfca. Sra. Maria Pérez Vergés, Mgf. Sr. Juan Antonio Serrano Iglesias e Mgf. Sr. José Antonio Bruna Vilanova pera quau causa s'acòrde per *unanimitat* des tretze (13) membres presents deth totau de tretze que formen era Corporacion:

Prumèr.- Aprovar iniciauments eth padron crubatòri dera taxa deth servici de recuelhuda domiciliària de lordères e eth sòn tractament entar exercici 2016, er impòrt deth quau ei d'un milion quate cents trenta sèt mil dus cents tretze èuros damb ueitanta ueit centims (1.437.213,88 €), distribuïdi dera manèra següenta:

MUNICIPI	IMPÒRT ÈUROS 2016	IMPÒRT ÈUROS 2015	Increment respecte padron iniciau 2015
Arres	6.105,08 €	6.137,66 €	-0,53 %
Bausen	8.054,76 €	5.971,87 €	34,88 %
Bossòst	106.727,54 €	105.665,72 €	1,00 %
Es Bòrdes	25.382,22 €	26.064,18 €	-2,62 %
Canejan	8.542,55 €	8.458,16 €	1,00 %
Les	69.707,30 €	69.038,08 €	0,97 %
Naut Aran	536.537,99 €	528.937,93 €	1,44 %
Vielha-Mijaran	661.349,63 €	650.635,62 €	1,65 %
Vilamòs	14.806,81 €	14.846,68 €	-0,27 %
<b>TOTAU</b>	<b>1.437.213,88 €</b>	<b>1.415.755,90 €</b>	<b>1,52 %</b>

Dusau.- Expausar ath public eth padron nomentat pendent eth tèrme d'un (1) mes ar efècte de possibles reclamacions e/o allegacions. Pendent aquest tèrme, eth padron serà a disposicion des persones interessades enes oficines deth Conselh Generau d'Aran e des respectius ajuntaments ar efècte previst en article 14.4 deth Reiau Decrèt Legislatiu 2/2004, de 5 de març, peth quau s'apròve eth tècte rehonut dara Lei Reguladora des Isendes Locaus Transcorrut aquest tèrme sense cap de reclamacion ne allegacion, es concèptes impositius d'aquest padron esdevieràn definitius sense besonh d'un acòrd ulterior.

Tresau.- Facultar ath sindic d'Aran, en nòm e representacion deth Conselh, entara signatura de toti es documents publics e/o privats que siguen de besonh entà hèr efectives era tramitacion e execucion des acòrds anteriors.

2au.- RATIFICACION, SE PROCEDÍS, DES DECRETÈS DE SINDICATURA ENTARA BAISHA DE DIUÈRSI RECEBUTS DERA TAXA DETH SERVICI DE REMASSADA DOMICILIÀRIA DE LORDÈRES DE DIUÈSI EXERCICIS.-

Dat qu'eth sindic deth Conselh Generau d'Aran, en tot hèr usatge des facultats que li conferís er article 29 dera Lei 1/2015, de 5 de hereuèr, deth Regim Especial d'Aran, cossent damb çò establhit en article 14 deth Reiau Decret Legislatiu 2/2004, de 5 de març, peth quau s'apròve eth Tèxte Rehonut dera Lei Reguladora des Isendes Locaus, er article 110 dera lei 7/1985, de 2 d'abriu, Reguladora de Bases de Regim Locau, e es articles 32, 68, 153, 154, 155 e 220 dera Lei 58/2003, de 17 de deseme, Generau Tributària, e en tot auer-se detectat errors ena titularitat, duplicitat e pagament en diuèrsi recibuts de lordères de diuèrsi exercicis, en tot auer comprovat es reclamacions presentades pes subjèctes passius dera taxa deth servici de remassada domiciliària d'aguesti exercicis e es documents acreditatius presentadi resolvec mejançant es decrets qu'ara seguida se relacionen dar de baisha ua sòrta de recibuts qu'ara seguida se relacionen e des quaus se n'adjunh ua còpia:

- 1) *Decret 010/2015, de 13 de gèr*
- 2) *Decret 032/2015, de 6 de hereuèr*
- 3) *Decret 038/2015, de 11 de hereuèr*
- 4) *Decret 057/2015, de 23 de hereuèr*
- 5) *Decret 061/2015, de 23 de hereuèr*
- 6) *Decret 094/2015, de 17 de març*
- 7) *Decret 096/2015, de 17 de març*
- 8) *Decret 107/2015, de 26 de març*
- 9) *Decret 110/2015, de 26 de març*
- 10) *Decret 122/2015, de 1 d'abriu*
- 11) *Decret 183/2015, de 20 de mai*
- 12) *Decret 186/2015, de 21 de mai*
- 13) *Decret 194/2015, de 28 de mai*
- 14) *Decret 196/2015, de 28 de mai*
- 15) *Decret 204/2015, de 2 de junh*
- 16) *Decret 249/2015, de 16 de junh*
- 17) *Decret 250/2015, de 16 de junh*
- 18) *Decret 251/2015, de 18 de junh*
- 19) *Decret 296/2015, de 20 de junhsèga*
- 20) *Decret 316/2015, de 3 d'agost*

- 21) *Decret 358/2015, de 31 d'agost*
- 22) *Decret 375/2015, de 14 d'agost*
- 23) *Decret 387/2015, de 24 seteme*
- 24) *Decret 411/2015, de 7 d'octubre*
- 25) *Decret 428/2015, de 19 d'octubre*
- 26) *Decret 445/2015, de 22 d'octubre*
- 27) *Decret 461/2015, de 2 de noveme*
- 28) *Decret 477/2015, de 13 de noveme*
- 29) *Decret 522/2015, de 11 de deseme*
- 30) *Decret 540/2015, de 18 de deseme*

Cossent damb çò expausat, e vist eth dictamen positiu dera Comission Informativa Permanenta de Servicis Generaus deth Conselh Generau d'Aran de data 14 de gèr de 2016, se prepausa ath Plen era ratificacion des Decrets de Sindicatura anteriorament relacionadi, mejançant es quaus se dèren de baisha es recebuts relacionadi anteriorament.

Un viatge sotmetuda era prepausa a votacion e debat, s'obtien **tretze (13) vòts a favor** deth sindic e des conselhèrs Mgfç. Sr. Luis Carlos Medina Modroño, Mgfç. Sr. César Ruiz-Canela Nieto, Mgfç. Sr. Francesc Medan Juanmartí, Mgfç. Sr. Jose Enrique Arró Cuny, Mgfca. Sra. Anna Diaz Morello, Mgfç. Sr. José Antonio Boya Quintana, Mgfç. Sr. Francés X. Boya Alós, Mgfç. Sr. Francisco Bruna Capel, Mgfç. Sr. Amador Marques Atés, Mgfca. Sra. Maria Pérez Vergés, Mgfç. Sr. Juan Antonio Serrano Iglesias e Mgfç. Sr. José Antonio Bruna Vilanova pera quau causa s'acòrde per *unanimitat* des tretze (13) membres presents deth totau de tretze que formen era Corporacion:

Prumèr.- Ratificar es Decrets de Sindicatura anteriorament relacionadi, mejançant es quaus se dèren de baisha es recebuts relacionadi anteriorament.

Dusau.- Dar compde ara tresaueria deth Conselh Generau d'Aran, entà que hèsque es assentaments compdables de besonh entà hèr efectiva era baisha d'aguesti recebuts.

Tresau.- Facultar ath sindic d'Aran, en nòm e representacion deth Conselh, entara signatura de toti es documents publics e/o privats que siguen de besonh tà her efectives era tramitacion e execucion des acòrds anteriors.

3au.- APROBACION, SE PROCEDÍS, DERA DECLARACION D'ANDORRA LA VELLA DES COMUNITATS DE HALHES DES PIRINÈUS.-

Eth sindic explique que, dempús dera declaracion dera UNESCO, s'amièc a tèrme ua amassada de toti es includidi ena declaracion universal ena que se signèc

aguesta declaracion entà garantir-ne era sostenibilitat, treballar toti amassa e potenciar-la.

Dat qu'es representants des comunitats de halhes des Pirinèus s'amassèren en Andorra la Vella ena sua 11au Reunion transpirenenca de comunitats de halhes, eth tres de deseme de dus mil quinze, damb motiu dera celebracion dera inscripcion de "Es Hèstes deth huec deth solstici d'ostiu enes Pirinèus" ena Lista representativa deth patrimòni culturau immateriau dera umanitat dera UNESCO, en tot aprovar era "DECLARACION D'ANDORRA LA VELLA des comunitats de halhes des Pirinèus".

Cosset damb çò expausat, e vist eth dictamen positiu dera Comission Informativa Permanenta de Servicis Generaus deth Conselh Generau d'Aran de data 14 de gèr de 2016, se prepausa ath Plen era aprobacion dera "DECLARACION D'ANDORRA LA VELLA des comunitats de halhes des Pirinèus".

Un viatge sotmetuda era prepausa a votacion e debat, s'obtien **tretze (13) vòts a favor** deth sindic e des conselhèrs Mgf. Sr. Luis Carlos Medina Modroño, Mgf. Sr. César Ruiz-Canela Nieto, Mgf. Sr. Francesc Medan Juanmartí, Mgf. Sr. Jose Enrique Arró Cuny, Mgfca. Sra. Anna Diaz Morello, Mgf. Sr. José Antonio Boya Quintana, Mgf. Sr. Francés X. Boya Alós, Mgf. Sr. Francisco Bruna Capel, Mgf. Sr. Amador Marques Atés, Mgfca. Sra. Maria Pérez Vergés, Mgf. Sr. Juan Antonio Serrano Iglesias e Mgf. Sr. José Antonio Bruna Vilanova pera quau causa s'acòrde per *unanimitat* des tretze (13) membres presents deth totau de tretze que formen era Corporacion:

Prumèr.- Aprovar era "DECLARACION D'ANDORRA LA VELLA des comunitats de halhes des Pirinèus". Era transcripcion literau d'aguesta declaracion ei çò que seguís:

**"DECLARACION D'ANDORRA LA VELLA  
des comunitats de halhes des Pirinèus**

*Andorra la Vella, 3 deseme de 2015*

*Es representants des comunitats de halhes des Pirinèus, amassadi en Andorra la Vella ena sua 11au Reunion transpirenenca de comunitats de halhes, eth tres de deseme de dus mil quinze, damb motiu dera celebracion dera inscripcion de "Es Hèstes deth huec deth solstici d'ostiu enes Pirinèus" ena Lista representativa deth patrimòni culturau immateriau dera umanitat dera UNESCO.*

*Referint-se as diferenti esturments internacionaus signadi pes nòsti respectius Estats en matèria de proteccion deth patrimòni materiau e immateriau e dera diversitat culturau,*

**Reconeishent** era importància qu'entàs nòstes comunitats represente eth patrimòni immateriau, crusòu dera diversitat culturau e deth desvolopament sostenible,

**Considerant** era prigonda vinculacion e interdependéncia que i a entre eth patrimòni culturau immateriau e eth patrimòni materiau culturau e naturau, de manèra plan especiau en nòste contèxte pirenenç,

**Conscienti** qu'es procèssi de mondializacion pòt suposar grèus risqui de degradacion, banalizacion, mercantilizacion e regression deth nòste patrimòni culturau, en particular, en aguest cas, des Hèstes deth huec de solstici enes Pirenèus: halhes, haros e brandons.

**Conscienti** deth solemne compromís aquirit damb era sauvagarda d'aguest patrimòni culturau immateriau compartir per mès d'ua seishantea de comunitats repartides entre es Estats d'Andorra, Espanha e França, mejançant era preparacion e presentacion d'ua candidatura e sustot des deth moment, eth passat 1 de deseme de 2015, dera sua inscripcion ena Lista representativa deth patrimòni culturau immateriau dera umanitat, dera UNESCO.

**Considerant** eth papèr clau e determinant qu'aguest element deth patrimòni culturau immateriau a agut, des der inici e ath long de tot eth procès de preparacion dera candidatura, pendent mès de 4 ans, tà redescobrir-mos, apropar-mos e establir pònts de dialòg, de cooperacion e d'amistat entre totes es nòstes comunitats de halhes pirenenques,

**Considerant** era responsabilitat que totes es nòstes comunitats auem de sauvagardar e de transmèter as joenes generacions aguest patrimòni, atau com eth papèr fundamentau que mos pertòque per çò que hè ath manteniment e recreacion d'aguestes hèstes.

*Es comunitats de halhes pirenenques*

### **MANIFÈSTEN**

**Prumèr.** Qu'es comunitats de halhes desiren méter en comun quaqu'ues des sues activitats entà contribuïr ath coneishement e preservacion dera cremada de halhes, haros e brandons enes Pirinèus, e que tanben contribuïsqe ara sua difusion a trauès dera creacion de productes culturaus adreçadi ath gran public.

**Dusau.** Que se vòlen elaborar amassa projèctes que vagen adreçadi as joeni e que promòdiguen eth coneishement dera istòria a trauès dera evolucion d'aguesta tradicion, atau com es valors de tolerància, d'escambi, de fraternitat, de participacion, de camaraderia, de respècte dera diversitat culturau e der entorn e de democràcia que, gràcies ath patrimòni culturau, contribuïràn a fomentar ues valors transpirenenques e europèes atau com uns vincles de collaboracion entre es territòris implicadi.

**Tresau.** *Que se vòlen fomentar activitats conjuntes de torisme culturau. Atau, donc, en cada un des diferenti espacis patrimoniaux se fomentarà era visita ara rèsta des espacis deth hilat.*

### **ACÒRDEN**

**Prumèr.** *Qu'es comunitats de halhes, representades en aguesta Declaracion d'Andorra la Vella, possaràn e collaboraràn ena elaboracion de diferents activitats conjuntes encaminades ara recèrca, sauvagarda e difusion dera cremada de halhes, haros e brandons enes Pirinèus.*

**Dusau.** *Que totes es activitats que s'acòrden e se realizen damb critèrissostenibles, se portaràn a tèrme des d'ua perspectiva olistica des Hèstes deth huec de solstici enes Pirinèus: halhes, haros e brandons, en tot tier en compde es estreti ligams que mantien, en aquest element, eth patrimòni materiau e immateriau, e des d'ua vision contextuau entà preservar er esperit deth lòc.*

**Tresau.** *Que totes es comunitats se comprometen a mantier un minim d'ua amassada annau ordinària, atau com es extraordinàries que se poguen acordar. Cada an, era amassada ordinària se harà en ua comunitat diferenta que s'aurà escuelhut er an anterior, entà per'mor d'implicar e dinamizar toti es territòris a on cremen halhes. Era comunitat escuelhuda assumirà era organizacion dera amassada e era acuelhuda des participants.*

**Quatau.** *Qu'entà garantir era eficàcia deth trabalh en hilat des comunitats pirinenques, era sua organizacion e collaboracion, era comunicacion fluïda e obtencion des acòrds e compromisi contrèts, cada ua des comunitats reforçarà era sua estructura intèrna, cada un des diferenti territòris s'esforçarà a crear ua estructura associativa que coesione es diferents comunitats e a nivèu pirenenc totes es comunitats se comprometen a trabalhar tara creacion d'ua entitat transpirenque que pogue federar totes es comunitats.*

**Cincau.** *Qu'en respècte des procediments administratius especifics de cada Estat, es comunitats de halhes trabalharàn tà implicar es institucions, en particular es locals, e tà demanar-les eth supòrt e eth compromís que se merite eth patrimòni culturau immateriau e qu'en aquest cas requerissen es Hèstes deth huec de solstici enes Pirineus: halhes, haros e brandons per auer estat inscrites ena Lista representativa deth patrimòni culturau immateriau dera UNESCO,*

**Siesau.** *Que coma comunitats portadores e garants d'un element deth patrimòni culturau immateriau e entenen qu'ei admetut pes maximes institucions e organizacions internacionaus qu'eth patrimòni culturau, ja sigue materiau o immateriau, ei ua composant indispensable deth desenvolopament sostenibles, mos comprometen a reivindicar dauant des nòstes respectives institucions locals, territoriaus e nacionaus, qu'eth patrimòni culturau immateriau e en particular es Hèstes deth huec de solstici enes Pirinèus: halhes, haros e brandons, damb totes es sues valors,*

*s'intègren enes estratègies e plans de desvolopament futur, en toti es territòris concernits,*

***Setau.** Que se comprometen a iniciar es tramits oportuns pròp des sòns Estats pertinents tà que solliciten ara UNESCO era modificacion deth nòm dera candidatura en tot passar "Es Hèstes deth huec de solstici: hables, haros e brandons".*

*E coma pròva de conformitat signen -ath pè dera darrèra plana- e rubriquen -en marge esquèr dera prumèra e dera segona- aguesta declaracion conjunta, redactada en ua soleta cara e damb tres còpies, en tres huelhes de papèr comun, ena data e eth lòc mercadi ena entèsta."*

Dusau.- Ratificar era signatura efectuada peth Sr. Jèp de Montoya e Parra, en nòm e representacion deth Conselh Generau d'Aran, d'aguesta declaracion amiada a tèrme eth 3 de deseme de 2015.

4au.- APROBACION, SE PROCEDÍS, DERA ADESION DETH CONSELH GENERAU D'ARAN ATH CÒDI DE BON GOVERN DERA FEDERACION ESPAÑOLA DE MUNICIPIOS Y PROVINCIAS.-

Eth sindic expòse qu'era FEMP a aprovat un document que determine qué cau hèr entà garantir era transparéncia e eth bon govèrn a nivèu d'administracions locals, era quau causa entre en còdi morau e etic qu'eth Conselh Generau d'Aran dejà practique.

Eth conselhèr Mgfc. Sr. Francés X. Boya Alós manifèste que ja li semble fòrça ben, mès dera lectura acurada deth document entén qu'obligarà a cambis ena actuacion deth govèrn, especialament visit es compromisi qu'assumís era institucion. Demane s'ei prevista ua huelha de compromisi damb eth compliment deth document.

Eth conselhèr Mgfc. Sr. Luis Carlos Medina Modroño explique qu'eth còdi desvolupe ua normativa extensa en matèria de règim locau e transparéncia que ja conten toti aguesti compromisi. Assegure qu'eth Conselh Generau d'Aran trebalhe ua linha de transparéncia que recuelh aguest còdi, damb es matisi e compromisi que se i assumissen. Entà centrar era qüestion, pregunte ath conselhèr Mgfc. Sr. Francés X. Boya Alós quini son es punts que considèrè que requerissen cambis.

Eth conselhèr Mgfc. Sr. Francés X. Boya Alós li respon que son: era participacion ena presa de decisions, es consensi en ahèr de gran relevància, era contractacion de personau, eth respècte ar Estatut d'Autonomia e ara Constitucion, per exemple. Argumente qu'ac plantège entà saber s'ei ua mera declaracion retorica o s'implicarà ua aplicacion practica de tot çò que s'i prevé. Sap que non ei d'aué entà deman, mès pregunte se i a era prevision d'implementa'c.

Eth conselhèr Mgfc. Sr. Luis Carlos Medina Modroño li respon qu'i a parts deth còdi que desvolupen legislacion e, per tant, eth compliment ja ven per lei. Indique que s'a d'anar implementant sense ua aplicacion automatica que pogue supausar greuges o perjudicis que deriven d'ua aplicacion sistematica.

Eth conselhèr Mgfc. Sr. Francés X. Boya Alós apunte que s'aprovarà eth còdi, mès afirme que cau tier present que s'auràn d'aplicar es mesures que conten.

Eth sindic explique que non i a dates e calerà implementa'c progressivament, a despiet qu'era majoria des causes dejà s'apliquen.

Eth conselhèr Mgfc. Sr. Luis Carlos Medina Modroño expause qu'era finalitat dera norma ei garantir er accés des ciutadans ara informacion e còste que deà se hè atau en Conselh Generau d'Aran.

Vist qu'era Comission Executiva dera Federaci6n Espa6nola de Municipios y Provincias, eth passat 24 de març de 2015, aprovèc era naua version deth Còdi deth Bon Govèrn que recuelh es principis dera transparéncia e etica publica e des mesures entà amielhorar era gestion e era qualitat dera democracia locau.

Dat qu'eth Còdi deth Bon Govèrn recuelh un decalòg des principis que van des deth respècte ar ordenament juridic e eth compromís damb era etica publica e era qualitat democratica, enquiara defensa des interèssi generaus damb onradesa, objectivitat, imparcialitat, austeritat e proximitat ath ciutadan.

Dat que coma mesures entà amielhorar era gestion e era qualitat democratica locau eth Còdi deth Bon Govèrn vò fomentar era transparéncia, era democracia participativa, trebalhar entara inclusion sociau e definís eth còdi de conducta politica.

Vista era Lei 19/2013, de 9 de deseme, de transparéncia, accés ara informacion publica e bon govèrn.

Vista era Lei 19/2014, deth 29 de deseme, de transparéncia, accés ara informacion publica e bon govèrn.

Vist eth Còdi deth Bon Govèrn Locau dera Federaci6n Espa6nola de Municipios y Provincias, aprovat pera Comission Executiva dera FEMP eth 24 de març de 2015.

Dat qu'er organ competent entà adoptar aquest acòrd ei eth Plen deth Conselh Generau d'Aran, e vist eth dictamen positiu dera Comission Informativa Permanenta de Servicis Generaus deth Conselh Generau d'Aran de data 14 de gèr de 2016, se prepausa ath Plen era adesion deth Conselh Generau d'Aran as principis deth Còdi de Bon Govèrn dera Federaci6n Espa6nola de Municipios y Provincias.

Un viatge sotmetuda era prepausa a votacion e debat, s'obtien **tretze (13) vòts a favor** deth sindic e des conselhèrs Mgfc. Sr. Luis Carlos Medina Modroño, Mgfc. Sr. César Ruiz-Canela Nieto, Mgfc. Sr. Francesc Medan Juanmartí, Mgfc. Sr. Jose Enrique Arró Cuny, Mgfc. Sra. Anna Diaz Morello, Mgfc. Sr. José Antonio Boya Quintana, Mgfc. Sr. Francés X. Boya Alós, Mgfc. Sr. Francisco Bruna Capel, Mgfc. Sr. Amador Marques Atés, Mgfc. Sra. Maria Pérez Vergés, Mgfc. Sr. Juan Antonio Serrano Iglesias e Mgfc. Sr. José Antonio Bruna Vilanova pera quau causa s'acòrde per *unanimitat* des tretze (13) membres presents deth totau de tretze que formen era Corporacion:

Prumèr.- Aprovar era adesion deth Conselh Generau d'Aran as principis deth Còdi de Bon Govèrn dera Federaci6n Española de Municipios y Provincias. Era transcripci6n literau deth nomenat Còdi de Bon Govèrn ei çò que seguís:

*““En un contèxte economic, social e politic en qué era ciutadania manifestè un naut grad de desconfiança respècte dera politica, es institucions e es responsables publics, se hè de besonh canalizar aguesta situacion com ua oportunitat, coma motor entara prohondizacion democratica. Atau, es entitats locals han de redoblar esfòrci entà restablecer eth valor dera politica locau e recuperar era confiança dera ciutadania mejançant ua intensificaci6n e exteriorizaci6n efectiva des valors publics, des estandares de conducta e dera actitud etica des cargues publics e des directius locals.*

*En nomenat contèxte, era revisi6n deth Còdi de Bon Govèrn (CBG) dera FEMP resulte un esturment adequat ad aguest fin, reforçat pera existència de un nau encastre juridic integrat pera Lei 19/2013, de 9 de deseme, de Transparència, Accès ara Informaci6n e Bon Govèrn, es nòrmes autonomiques ena matèria e era Ordenança Tipe de Transparència, Accès ara Informaci6n e Bon Govèrn dera FEMP. Era sujecci6n des administracions publiques ath principi de jerarquia normativa e ath sistèma de hònts establìt en nòste ordenament juridic determinarà era posici6n obligacionau deth present Còdi.*

*En tot seguir era linha deth CBG dera FEMP aprovat en an 2009, com un esturment d'introducci6n formau dera etica en ambit locau damb caractèr innovador, se realize ua adaptaci6n ar actuau encastre normatiu e as demanes dera ciutadania. Sus ua estructura senzilha s'apunten es linhas estrategiquas entara adequada gesti6n publica locau des dera consideraci6n deth bon govèrn, sentant es bases entath desenvolupament posterior de cada ua d'eres.*

*Dempús dera definici6n des s6ns ambits objectius e subjectius, s'incorp6ren es principis deth bon govèrn locau, definint aqueri subjèctes afectats pes declaracions contengudes en madeish, e era finalitat a qué aubedís ena sua subscripci6n. Eth contengut substancial s'articule ath torn de cinc èishi: estandares de conducta entara mielhora dera democràcia locau, compromisi etics en matèria de conflictes d'interès, regim d'incompatibilitats e retribucions, relacions entre cargues electes e empleats publics e mesures entara mielhora dera democràcia participativa.*

*Ath delà dera determinaci6n des principis e estandares d'actuaci6n, atau com era fixaci6n d'un encastre relacionau entre es nivèls de govèrn e administraci6n s'incidís en dus aspèctes. Eth prumèr, es compromisi en*

*matèria de conflictes d'interèssi, advertit eth màger impacte qu'ena dignitat e reconeishement de legitimitat de govèrns e administracions publiques genere enes ciutadans.*

*Eth segon, com un des aspèctes mès novedosi deth nau Còdi, era irrupcion, en ambit dera administracion locau, des tecnologies sociaus e, en concrèt, des hilats sociaus digitaus. Era sua utilizacion massiva per part dera ciutadania supòse un desafiament entàs usi e costums empleats ena participacion ciutadana enquiath moment. Es administracions publiques locals an d'incorporar-se ad aguest fenomen sociau mejançant era metuda en marcha d'iniciatives innovadores qu'adapten era participacion tau e com la coneishem enquia ara, en ua participacion multicanau que profite es naues oportunitats de relacion damb era ciutadania.*

*Era iniciativa entara creacion deth Hilat d'Entitats Locaus pera Transparéncia e Participacion Ciutadana dera FEMP daurís, entar ambit locau, ua naua etapa qu'exigís dotar as entitats que s'intègren en eth, des esturments e instruments de besonh entà desvolopar adequadament non sonque es sues obligacions legaus senon tanben es sòns compromisi etics damb era gestion publica, en generau, e damb es ciutadans, en particular. Eth CBG s'erigís ena pèça centrau d'aguesta estratègia que serà objècte de desvolopament a través des mecanismes que se definisquen en si deth Hilat.*

#### **Ambit objectiu**

*Eth Còdi de Bon Govèrn a per objècte er establiment des principis a respectar en desvolopament des responsabilitats politiquas de govèrn e administracion, atau com es de direccion e gestion locau, en tot fixar es compromisi que reflectissen es estandares de conducta recomanats e reforçant era qualitat democratica des institucions locals.*

*Coma objectius especifics pòden senhalar-se es següenti:*

- *Era integracion dera dimension etica en foncionament des entitats locals.*
- *Incorporar es estratègies d'actuacion entara consecucion d'ua democràcia reau e efectiva, a través dera participacion ciutadana e eth govèrn dubèrt.*
- *Definir es linhas basiques qu'an de presidir era gestion publica locau.*
- *Reforçar es estandares de conducta en exercici des responsabilitats publiques.*
- *Delimitar es pautes entàs adequades relacions entre es ambits de govèrn e administracion, normalizant es relacions personaus intèrnes.*

#### **Ambit subjectiu**

*Eth presente Còdi, ena sua condicion d'esturment inspirador dera actuacion des Entitats Locaus e deth personau ath sòn servici, s'aplicarà a:*

- a. *Es membres des Corporacions Locaus, ena sua condicion de representants elèctes, damb independéncia dera sua integracion o non en respectiu govèrn.*
- b. *Es membres des organs de govèrn des Organismes Autonòms, Entitats publiques empresariaus locals e Societats mercantiles locals, atau coma Fondacions de naturalesa locau.*
- c. *Es titulars d'organs directius, segons era definicion dera normativa en matèria de regim locau e foncion publica.*
- d. *Eth personau que desvolope foncions directives e predirectives ath servici dera administracion locau, entenenent per aquerò ad aqueri*

*qu'exercisquen foncions de gestion o execucion de caractèr superior, ajustant-se as directrius generaues fixades per organ de govèrn dera Corporacion, adoptant ar efècte es decisions oportunes e disposant entad açò d'un marge d'autonomia, laguens d'aguestes directrius generaues.*

- e. Foncionaris d'administracion locau damb abilitacion de caractèr nacionau.*

*As efèctes de clarificar terminologicament er ambit subjectiu en desvolopament deth CBG es referéncias as empleats publics includits en madeish, s'utilizarà era expresion "directius publics locaux".*

*Damb caractèr prèvi ara assumpcion d'un cargue public, responsabilitat politica o foncion executiva ena organizacion, s'aurà de subscribir eth CBG ath que s'age aderit era respectiva entitat locau.*

*Aguesta delimitacion non excludirà era subscripcion des sòns objectius pera totalitat des empleats publics locaux, subjèctes ad aquest respècte ath Còdi etic e de conducta recuelhut ena normativa sus foncion publica, atau com a aqueri subjèctes provedidors de servicis ara administracion locau e perceptors de hons publics.*

#### **Principis deth bon govèrn locau**

*Es subjèctes destinataris deth CBG ajustaràn era gestion des interèssi publics e eth desvolopament dera democràcia participativa ara realizacion efectiva deth govèrn dubèrt e es sòns principis de transparéncia, participacion e colaboracion ciutadana, coma minim enes tèrmes dera normativa vigenta en cada moment, en ua gestion orientada ara ciutadania.*

*Entara consecucion des nomentats objectius era sua actuacion estarà orientada ath compliment des següenti principis, abstenint-se de quausevolha conducta que sigue contrària a eri:*

- a) Actuaràn en desvolopament des sues foncions d'acòrd damb era Constitucion, es respectius Estatuts d'Autonomia e era rèsta der ordenament juridic, promoirà eth respècte as drets fonamentaues e as libertats publiques e ajustaràn era sua activitat as principis etics e de conducta contenguts en present Còdi de Bon Govèrn Locau.*
- b) Eth desvolopament des trabalhs de govèrn estarà presidit pes principis d'eficacitat, economia, eficiéncia, satisfaccion der interès generau, atau coma de racionalizacion e optimizacion des recorsi publics.*
- c) Respetaràn eth principi d'imparcialitat, de manèra que mantenguen un critèri independent e alien a tot interès particular, assegurant un tracte iguau e sense discriminacions de cap tipe en exercici des sues foncions.*
- d) Execucion des politiquas publiques conforme as principis de publicitat, innovacion, transparéncia e bon servici ara ciutadania, defensant es interèssi generaues e era generacion de valor damb dedicacion ath servici public.*
- e) Respetaràn es obligacions derivades deth sòn cargue e, en especiau, era normativa reguladora des incompatibilitats e es conflictes d'interèssi, es déuers d'onestitat, bona fe, sigil e discrecion en relacion damb es donades e informes des quaus agen coneishement per rason deth cargue.*
- f) Exerciràn es poders que les autrege era normativa vigenta damb era finalitat exclusiva entàs quaus li sigueren autrejats, evitaràn tota accion*

*que pogue méter en risc er interès public o eth patrimòni des Administracions, non s'implicaràn en situacions, activitats o interèssi incompatibles damb es sues foncions e s'abstieràn d'intervier enes ahèrs en qué concorrisque bèra causa que pogue afectar ara sua objetivitat.*

- g) Incorporaràn ara sua actuacion valors com era inclusion sociiau de collectius mès desfavorits, era tolerància e eth foment dera diversitat, era luta contra eth cambi climatic, era proteccion deth miei ambient o era ordenacion racionau e sostenibla deth territòri, garantizant eth principi d'iguautat e equilibri territoriau en accès as servicis publics.*
- h) Respècte dera disciplina presupostària e financèra, a efèctes de garantir era corrècta administracion des recorsi publics.*
- i) Er exercici des competències locaus establides en encastre normatiu e es capacitats de gestion associades, se desvoloparà sus eth principi de mielhor servici ciutadan, proximitat e subsidiarietat.*
- j) Impuls ara adopcion de modèls de gestion publica qu'alinhèn recorsi a estratègia e garantisquen ua orientacion as resultats deuant dera societat e ara generacion de valor public coma maxima garantia d'enfortiment deth sector public, es sues institucions e organizacions publiques.*
- k) Apòsta per ua direccion publica e gestion des recorsi umans professionau coma element clau d'un adequat foncionament dera administracion publica.*

#### ***Estandares de conducta entara mielhora dera democràcia locau***

*Era plasmacion deth caractèr democratic des entitats locaus exigís eth sòn reflèx ena actuacion per part des sòns mèmbers, ajustant eth desvolopament des responsabilitats publiques as següentes linhas de conducta:*

- 1. Assumiràn era responsabilitat en tot moment des decisions e actuacions pròpies e des organismes que dirigissen, sense derivar-la enquias sòns subordinats sense causa objectiva e sense perjudici d'autes que siguessen exigibles legalement.*
- 2. Fomentaràn es valors civics e utilizaràn un ton respetuós, esmerat e deferent enes sues intervencions e en tracte damb es ciutadans.*
- 3. Toti es membres dera Corporacion, autant es integrants en govèrn coma es que formen part dera oposicion, auràn de basar era sua actuacion ena leiautat institucionau, informacion e transparéncia, collaborant ena definicion des objectius estrategics e procurant assolir consensi enes ahèrs de grana relevància.*
- 4. Era prenuda de decisions aurà coma objectiu era satisfaccion des interèssi generaus e se fonamentarà en consideracions objectives orientades enquiar er interès comun e eth tracte iguau e non discriminatòri.*
- 5. Responderàn front as ciutadans pendent tot eth sòn mandat, atienent diligentament a quausevolha sollicitud d'informacion relativa ath desvolopament des sues foncions, es motiu dera sua actuacion, o eth funcionamiento des servicis e departaments des qué son responsables.*
- 6. Garantiràn qu'era gestion publica se centre ena ciutadania damb un compromís de mielhora continua ena qualitat dera informacion, era atencion e es servicis prestats.*

7. *Potenciaràn es esturments de besonh entà garantir era participacion e cooperacion ciutadana en dessenh des politiquas publicas e ena sua evaluacion.*
8. *Impulsaràn era implantacion d'ua administracion receptiva e accesibla, mejançant era utilizacion d'un lenguatge administratiu clar e comprensible entà totes es persones, era simplificacion, era eliminacion de trabes burocratiques, e agilizacion des procediments, er accés electronic as servicis e era mielhora dera qualitat des nòrmes e regulacions.*
9. *Es cargues electes respectaràn era volentat dera ciutadania e actuaràn damb leiautat politica, comproment-se a assumir eth Còdi de conducta politica en relacion damb eth transfuguisme enes Corporacions Locaus.*
10. *Damb motiu des desplaçaments derivats der exercici des foncions pròpies deth cargue, utilizaràn eth miei de transport adequat ar objècte deth madeish, en tot tier en compde es besonhs dera Corporacion e era mielhor relacion en çò que tanh ath còst.*
11. *Facilitaràn es actuacions de contròl e supervision qu'es autoritats intèrnes o extèrnes competentes adopten, abstienint-se d'obstaculizar era execucion de quasevolha mesura de supervision qu'es autoritats intèrnes o extèrnes relevantes podessen decidir préner damb era deguda justificacion e transparéncia.*
12. *Responderàn diligentament as sollicituds d'informacion formulades pes mieis de comunicacion en relacion damb eth desvolopament des sues foncions, abstienint-se, peth contrari, de subministrar quausevolha donada confidenciau o informacion subjècta a proteccion de donades de caractèr personau e articularàn mesures que fomenten era cobertura per part des mieis de comunicacion deth desvolopament des sues foncions e eth funcionament des servicis e departaments ath sòn cargue.*
13. *Promoiràn era transformacion dera administracion locau mejançant eth desvolopament dera gestion des dera optica dera innovacion e era qualitat, simplificacion e reduccion de cargues administratives, garantint era definitiva implantacion dera administracion electronica.*
14. *Se fomentarà era creacion d'esturments de contròl e seguiment dera contractacion publica entà garantir as operadors economics un tracte igualitari e non discriminatòri e un procediment basat ena transparéncia, atau coma era introduccion de critèris de responsabilitat sociau enes contractes.*

#### **Compromisi etics en matèria de conflictes d'interèssi**

*Eth desvolopament de responsabilitats publicas exigirà eth respècte ara normativa en matèria de conflicte d'interèssi basant era sua actuacion enes següenti compromisi:*

1. *En exercici des sòns facultats discrecionaus, s'abstieràn de concedir cap ventatge a eri madeishi o a d'auta persona o grop de persones damb era fin d'obtier un benefici personau dirècte o indirècte des madeishi.*
2. *S'abstieràn de participar en quausevolha deliberacion, votacion o execucion d'aqueri ahèrs enes qu'agen un interès personau, ja sigue dirècte o indirècte.*

3. *Non influirà ena agilizacion o resolucio de tramit o procediment administratiu sense justa causa e, en cap cas, quan açò compòrte un priviletge en benefici pròpri o eth sòn entorn o quan supòse un perjudici des interèssi de tercèrs o der interès generau.*
4. *Non acceptaràn, receberàn o sollicitaràn, dirèctament o a través de tercèrs, regals que suberpassen es usi abituaus, sociaus o de cortesia per part d'entitats o persones o, en quausevolh cas, que suberpassen era quantia de cent cinquanta èuros.*
5. *Refusaràn quausevolh favor o servici en condicions ventatjoses per part de persones fisiques o entitats privadas que poguen condicionar eth desenvolopament des sues foncions.*
6. *Eth desenvolopament de cargues en organs executius de direccio de partits politics e organizacions sindicais de dita activitat en cap cas perjudicarà o comprometerà er exercici des sues foncions.*

#### **Regim d'incompatibilitats e retribucions**

*Er adequat compliment des exigéncies normatives imposades peth regim d'incompatibilitats e era estructura retributiva en ambit locau s'ajustarà as següenti paramètres:*

1. *Es representants locaus, e es directius publics locaus formularàn damb motiu dera sua prenuda de possession, damb ocasion deth cessament e ath finau deth sòn mandat, declaracions autat sus causes de possible incompatibilitat e quausevolha activitat que proporcione o pogue proporcionar ingrèssi economics. Atau madeish, comunicaràn quausevolha modificacio des madeishes en un tèrme maxim d'un mes.*
2. *Atau madeish auràn de presentar declaracio des sòns bens patrimoniaus e dera participacio en societats de tot tipe, damb informacio des societats per eres participades e des liquidacions des impòsti sus era Renda, Patrimòni e, en sòn cas, Societats. Aquestes declaracions, efectuades enes modèls aprovats pes plens respectius, s'amiaràn a tèrme abans dera prenuda de possession, damb ocasion deth cessament e ath finau deth mandat, atau coma quan se modifiquen es circumstàncies de hèt.*
3. *Evitaràn quausevolh conflicte d'interèssi damb motiu der exercici des sòns foncions publiques, abstienint-se d'utilizar es sues competéncies e prerrogatives institucionaus a fin d'autrejar entà sí o entà tercèrs persones bèth tipe de benefici atau coma abstienint-se d'amiar a tèrme quausevolh tipe d'activitat privada que, dirècta o indirèctament, collisione damb es interèssi publics locaus dera sua responsabilitat.*
4. *Er exercici de responsabilitats executives en govèrn locau, un còp finalizat eth mandat o produsit eth cessament e pendent un periòde de dus ans, comportarà eth compliment des limitacions entar exercici d'activitats privades establides ena legislacio reguladora de conflictes d'interèssi que les sigue aplicable.*
5. *Eth regim de dedicacio exclusiva e parciau, atau coma es autes retribucions des representants locaus se fixaràn, damb plen respècte as limits establits ena legislacio de Regim Locau, damb proporcionalitat e atienent a caracteristiques dera entitat e deth lòc a desenvolopar coma poblacion, presupòst, situacio financèra e competéncies e responsabilitats a exercir.*

***Govèrn e administracion: relacions entre cargues electes e empleats publics***

*Es relacions entre cargues electes e empleats publics s'ajustaràn as principis etics recuelhuts ena normativa en matèria de transparéncia e trabalh public, entre d'auti: respècte dera Constitucion e era rèsta de nòrmes qu'intègren er ordenament juridic, leiautat institucionau, objectivitat, integritat, neutralitat, responsabilitat, imparcialitat, confidencialitat, dedicacion ath servici public, transparéncia, exemplaritat, austeritat, accesibilitat, eficàcia, onestetat, promocion der entorn culturau e mieiambientau, e respècte as dreus umans e ara iguautat entre hemnes e òmes.*

*Cada persona ath servici des interèssi publics locaux assumirà era sua responsabilitat e foncions de forma legau e coordinada damb era rèsta de responsables publics, politics, tecnicos e administratius. Entà garantir era existéncia d'un entorn de trabalh en armonia e entath corrècte desvolopament des servicis publics s'articularàn vies alternatives ara solucion des discrepàncies o conflictes que, en sòn cas, podessen produsir-se.*

*Es relacions entre cargues electes e empleats publics s'instrumentaràn a través dera implementacion des mecanismes fisics e telematics de besonh que garantisquen era possibilitat d'interlocucion dirècta e eth desvolopament d'un procediment de mediacion, presenciau o electronic, entre es parts en conflicte.*

*Es cargues electes impulsaràn era formacion en principis d'integritat e orientacions deth Bon Govèrn entath conjunt d'emplets publics.*

***Mesures entara mielhora dera democràcia participativa***

*Eth principi de proximitat en ambit locau configure as entitats locals com er espaci de govèrn e administracion idòni entà auer era maxima participacion ciutadana e instrumentar es vies e canaus que hèsquen possible era sua materializacion en nivèls optims.*

*A efèctes de conéisher damb precision es besonhs e expectatives dera ciutadania, atau coma garantir era existéncia de canaus d'interlocucion s'adoptaràn es següentes mesures:*

- 1. Se regularà ua carta de dreus e déuers ciutadans, coma instrument en quau definir e facilitar eth sòn exercici.*
- 2. Se promoirà era utilizacion de enquestes, realizades enes pròpris servicis, ena web e hilats sociaus, o a pè de carrèr, es boètes de quèishes e suggeriments, eth cliente misteriós, es recorsi administratius e d'auti canaus de participacion coma es Junes de Districte, es Associacions Vesinaus, eth Conselh Sociau, o era Comission de Suggeriments e Reclamacions.*
- 3. Se procurarà era mielhora des procediments damb decision e era transformacion des estructures burocratiques desactualizadas entara consecucion d'ua governança reau, coma govèrn dubèrt, participatiu, transparent e equitatiu.*
- 4. Se convocarà a toti es grops d'interès (associacions, universitat, etc.), convidant-les a exprimir es sòns opinions e suggeriments, inclús a colaborar ena redaccion des nòrmes locals, damb era possibilitat de pactar-les en encastrè dera potestat materiau de decision politica.*

5. *S'implementaràn es presupòsti participatius coma esturments de melhora dera participacion dera ciutadania ena assignacion des recorsi publics e ena definicion d'objectius prioritaris de gestion.*
6. *S'atierà as besonhs sociaus enes diferents etapas dera vida e se procurarà era conciliacion de temps de trabalh damb es que non ac son (léser, formacion).*

*Atau madeish se facilitarà er exercici deth dret ara iniciativa populara, presentant propòstes d'acòrd o actuacions o projèctes normatius en matèria dera competència locau. Iguament, a través des entitats ciutadanes reconeishudes d'interès locau, se establiràn es vies entà sollicitar ara Administracion Locau que s'amien a tèrme activitats d'interès public e de competència locau e damb era aportacion de mieis economics, bens, drets o trabalh personau.*

*Era atencion ciutadana s'estructurarà a través d'un doble mecanisme:*

1. *Se coordinarà ua atencion generalista, integrada en un solet servici (Oficines d'Atencion Ciutadana) arthenent beneficis clars en omogeneizacion des donades, en accesibilitat des ciutadans, en establiment de critèris uniformes, ena seleccion e formacion des operadors, ena adopcion de decisions, e en reconeishment des singularitats pròpies deth foncionament deth servici*
2. *Atencion e informacion especializada, subministrada des des pròpies Unitats que la generen. Dada era orientacion ath ciutadan, s'auràn d'establir es bases tecnologiquas, de gestion, tecniques, e legaus, incluides es economicas, entà arténher qu'era sua relacion damb era administracion sigue mès accesibla en temps e còst.*

*S'enten eth dret d'accès ara informacion coma part essenciau der dret generic de participacion ciutadana enes ahèrs publics.*

### ***Encastre entara participacion ciutadana 2.0***

*Er entorn cambiant e era transformacion dera administracion locau exigís er establiment d'un encastre entara participacion ciutadana damb un enfocament 2.0 basat enes següentes mesures e estratègies:*

1. *Contemplan er us des tecnologies sociaus coma esturment de melhora dera participacion ciutadana mejançant era superacion des tradicionaus barrèrs d'espaci e temps, daurant espacis digitaus dubèrts ara participacion sense restriccions e desvolopar comunitats virtuaus que favorisquen eth ben comun.*
2. *Facilitar e promòir era iniciativa e era participacion ciutadana autant individuau coma collectiva ena gestion locau, sense perjudici des facultats de decision corresponents as organs locaux corresponents.*
3. *Hèr efectius e vetlar pes drets e déuers dera ciutadania recuelhuts ena legislacion aplicabla e ena normativa locau.*
4. *Apropar era gestion locau as ciutadanas e es ciutadans entà assolir ua democràcia de proximitat reau.*
5. *Dessenhar organs e mecanismes que garantisquen es drets dera ciutadania relatiu a participacion ciutadana.*
6. *Arténher era integracion de toti es sectors sociaus enes mecanismes, espacis e dispositius recuelhuts ena corresponenta normativa locau.*

7. Afiançar era participacion ciutadana estrategica ena politica locau damb eth desvolopament d'ua cultura participativa qu'imprimisque caractèr a tota era activitat en tot eth sòn ambit territorialau.
8. Adaptar era normativa locau ara naua realitat sociau, mejançant era preséncia e participacion dera entitat locau enes hilats sociaus digitaus mès utilizades pera ciutadania e mejançant era creacion de comunitats virtuaus locaus.
9. Servir de sopòrt e complement as estratègias e plans d'actuacion locaus en matèria de participacion.

*Era participacion ciutadana 2.0 s'articularà com ua participacion accesibla, plurau, representativa, activa e dubèrta, facilitant era iguautat d'oportunitats e integracion de toti es sectors dera poblacion dirècta e s'explorarà eth desvolopament d'un procediment de mediacion, presenciau o electronic, entara resolucio de conflictes.*

*Ath delà des hilats e vies d'informacion e comunicacion institucionaus, es cargues electes e directius publics locaus auràn preferiblement preséncia enes hilats sociaus entà ua màger transparéncia e mielhor servici public ara ciutadania.*

#### ***Aprobacion deth Còdi de Bon Govèrn pes Entitats Locaus***

*Era aprobacion deth CBG pes Entitats Locaus s'amiarà a tèrme mejançant era adopcion deth corresponent acòrd d'adesion peth Plen des respectives entitats, entà facilitar era intègra subscripcio des sòns principis e valors pera totalitat des mèmbers dera Corporacion, govèrn e oposicion.*

*Era adequada execucio deth CBG exigirà era asignacion individualizada de dita responsabilitat en encastre dera organizacion politica e administrativa, a efèctes de garantir eth compliment des sòns objectius.*

*Es organs e personau responsables de dita foncion adoptaràn aqueres actuacions que siguen de besonh entà garantir era adequada difusio e coneishement deth CBG, damb especiau incidéncia en garantir eth sòn coneishement pera ciutadania, era sua incorporacion ar ordenament juridic locau e era maxima difusio entre es agents sociaus, economics e culturaus.*

*Es acòrds d'adesion athl CBG seràn comunicats ara FEMP entath sòn coneishement e, en sòn cas, seguiment. Es entitats locaus aderides ath CBG promoiràn era sua incorporacion ath Hilat d'Entitats Locau pera Transparéncia e era Participacion Ciutadana dera FEMP.*

#### ***Evaluacion e seguiment***

*Era adesio athl CBG requerirà era determinacion des estratègias entath sòn desvolopament, evaluacion e seguiment en ambit de cada entitat locau, encaishant dites actuacions en encastre legislatiu vigent e es peculiaritats dera respectiva entitat, damb ua vision participativa e collaboradora.*

*Ad aquest fin, es EELL aderides athl CBG elaboraràn, damb era perioricitat que se determine, un informe d'evaluacion sus eth sòn compliment a través d'indicadors de mesura e avaloracion, qu'incorporarà, ath madeish temps, eth resultat des procèssi d'evaluacion e seguiment des instruments de planificacio, es cartes de servicis e d'auto compromisi de qualitat existents ena respectiva entitat locau. Se procedirà ara creacio d'un Observatori d'evaluacion dera transparéncia, era qualitat e eth bon govèrn, a efèctes d'avalorar era aplicacio deth Còdi e, proposar, actuacions*

*d'implementacion e mielhora, atau coma d'evaluacion e seguiment, sense perjudici dera asignacion d'aites finalitats.”*

Dusau.- Dar traslat d'aguest acòrd a toti es àmbits dera gestion deth Conselh Generau d'Aran, a toti es ens deperents deth Conselh atau coma ara Federaci6n Espa6ola de Municipios y Provincias (FEMP).

Tresau.- Facultar ath sindic d'Aran, en n6m e representacion deth Conselh, entara signatura de toti es documents publics e/o privats que siguen de besonh tà her efectives era tramitacion e execucion des acòrds anteriors.

**5au.- APROBACION, SE PROCEDÍS, DER INVENTARI GENERAU DE BENS E DRETS DETH CONSELH GENERAU D'ARAN.-**

Dat que non c6nste era exist6ncia d'un Inventari, degudament format e actualizat, de toti es bens e drets que pertanhen ara Corporacion, e considerant qu'era obligacion d'inventariar toti es bens e drets des Entitats Locaus s'establís de man6ra imperativa ena Legislacion sus Regim Locau.

En tot considerar qu'er article 86 deth Reiau Decret Legislatiu 781/1986, de 18 d'abriu, peth quau s'apr6ve eth T6xte Rehonut des Disposicions Legaus Vigentes en Mat6ria de Regim Locau, e 17 deth Reau Decret 1372/1986, de 13 de junh, peth quau s'apr6ve eth Reglament de Bens des Entitats Locaus, establissen qu'es Entitats locaus son obligades a formar inventari avalorat de toti es bens e drets que les pertanhen.

Visti es informes, que se tròben en expedient dera Secretaria generau, dera Intervencion e des diferenti Servicis e Departaments.

Cossent damb çò expausat e vista era prepausa d'Inventari Generau de Bens e Drets deth Conselh Generau d'Aran, e vist eth dictamen positiu dera Comission Informativa Permanenta de Servicis Generaus deth Conselh Generau d'Aran de data 14 de g8r de 2016, se prepausa ath Plen era aprobacion dera formacion der Inventari Generau de Bens e Drets dera Corporacion en data 31 de deseme der exercici 2015, deth quau es dades detallhades de cada ben e dret son es recuelhudes en expedient.

Un viatge sotmetuda era prepausa a votacion e debat, s'obtien **tretze (13) v6ts a favor** deth sindic e des conselh8rs Mgfc. Sr. Luis Carlos Medina Modro6o, Mgfc. Sr. C6sar Ruiz-Canela Nieto, Mgfc. Sr. Francesc Medan Juanmartí, Mgfc. Sr. Jose Enrique Arr6 Cuny, Mgfc. Sra. Anna Diaz Morello, Mgfc. Sr. Jos6 Antonio Boya Quintana, Mgfc. Sr. Franc6s X. Boya Al6s, Mgfc. Sr. Francisco Bruna Capel, Mgfc. Sr. Amador Marques At6s, Mgfc. Sra. Maria P6rez Verg6s, Mgfc. Sr. Juan Antonio Serrano Iglesias e Mgfc. Sr. Jos6 Antonio Bruna Vilanova pera quau

causa s'acòrde per *unanimitat* des tretze (13) membres presents deth totau de tretze que formen era Corporacion:

Prumèr.- Aprovar era formacion der Inventari Generau de Bens e Drets dera Corporacion en data 31 de deseme der exercici 2015, deth quau es dades detalhades de cada ben e dret son es recuelhudes en expedient.

Dusau.- En compliment d'aquerò que se dispause enes articles 17 e següenti deth Reiau Decret 1372/1986, de 13 de junh, peth quau s'apròve eth Reglament de Bens des Entitats Locaus, ordenar que pera Secretaria Municipau se procedisque a formalizar eth Libre der Inventari Generau de Bens e Drets deth Conselh Generau d'Aran.

Tresau.- Notificar aguesti acòrds, amassa damb ua còpia der Inventari aprovat, ara Administracion der Estat e dera Generalitat de Catalunya, en compliment d'aquerò que se dispause enes articles 17 e següenti deth Reiau Decret 1372/1986, de 13 de junh, peth quau s'apròve eth Reglament de Bens des Entitats Locaus.

Quatau.- Facultar ath sindic d'Aran, en nòm e representacion deth Conselh, entara signatura de toti es documents publics e/o privats que siguen de besonh tà her efectives era tramitacion e execucion des acòrds anteriors.

**6au.- APROBACION, SE PROCEDÍS, DER AJUSTAMENT DERA DISTRIBUCION DETH CALENDARI LABORAU DETH PERSONAU DETH CONSELH GENERAU D'ARAN E DER ORGANISME AUTONÒM LOCAU FOMENT TORISME VAL D'ARAN PENDENT ER AN 2016.-**

Vist qu'era Lei 2/2012, de 29 de junh, de Pressupòsti Generaus der Estat entar an 2012 determine qu'era "*jornada generau de treball deth personau deth Sector Public non poderà èster inferior a trenta sèt ores e mieja setmanaus de treball efectiu en comput annau*".

Vist qu'era Lei 7/1985, de 2 d'abriu, Reguladora des Bases de Regim Locau, en sòn article 94 ditz qu'era "*jornada de treball des foncionaris dera Administracion locau serà en comput annau era madeisha que se fixe entàs foncionaris dera Administracion Civil der Estat*" e qu'era Lei 2//2003, de 28 d'abriu, peth quau s'apròve eth Tèxt rehonut dera Lei municipau e de regim locau de Catalunya, en sòn art. 299 establís qu'"*es jornades de treball des foncionaris dera Administracion locau son, en sòn comput annau, es fixades entàs foncionaris dera Administracion civil der Estat, e se les apliquen es madeishes normes sus equivalència e reduccion de jornada*".

Dat que, mejançant Resolucion de 16 de seteme de 2016, de la Secretaría de Estado de Administraciones Públicas, por la que se dictan instrucciones sobre jornada y horarios de trabajo del personal al servicio de la Administración General

del Estado y sus organismos, se modifique era Resolucion de 28 de deseme de 2012, en tot establir en art. 3 que *“era durada dera jornada generau serà de 37 ores e mieja setmanaus de treball efectiu de promiei en comput annau, equivalent a mil sies centes quaranta dus ores annaus”*.

Vist, donques, qu'entath personau ath servici dera Administracion locau ei d'aplicacion era jornada anuau e que cada Administracion, laguens dera potestat organizatòria des sòns servicis pòt establir es corresponents oraris de treball o jornada diària.

Vist que mejançant Decrèt de Sindicatura 285/2012, de 24 d'agost, s'aprovèc era jornada e orari de treball ordinària entàs foncionaris/àries e treballadors/es deth Conselh Generau d'Aran.

Dat qu'eth comput dera soma d'ores realizades segontes eth calendari laborau de 2016, es dies hestèrs nacionaus, autonomics e locals e es dies qu'an consideracion per convèni e acòrd de condicions de treballadors e foncionaris coma miei dia hestèr, supère es ores annaus de treball efectiu establides pera Resolucion abantes nomentada, e en tot auer en compde qu'aguest acòrd ei competència deth plen deth Conselh Generau d'Aran.

Dat qu'era Resolucion de 28 de deseme de 2012 dera Secretaria de Estado de Administraciones Públicas, pera quau se dicten instruccions sus jornada e oraris de treball deth personau ath servici dera Administracion Generau der Estat e es sòns organismes, establís en art. 9.3 qu'“*es calendaris laboraus incorporaràn cada an naturau, e coma maxim, un dia de permís quan bèth un des hestèrs laboraus d'ambit nacionau de caractèr retribuït, non recuperable e non substituible pes Comunautats Autònomes, coincidisquen damb dissabte en aquest an”*.

Dat qu'eth Govèrn prepausa sotmèter ath Plen dera Corporacion era compensacion deth dia 8 d'octobre de 2016 –dia hestèr retribuït d'ambit locau que què en dissabte- damb era qualificacion deth dia 26 de deseme de 2016 coma dia non obrant en Conselh Generau d'Aran e en Foment Torisme Val d'Aran, en aplicacion analogica de çò qu'establís eth nomentat art. 9.3 dera Resolucion de 28 de deseme de 2012 dera Secretaria de Estado de Administraciones Públicas.

Cossent damb çò expausat, e vist eth dictamen positiu dera Comission Informativa Permanenta de Servicis Generaus deth Conselh Generau d'Aran de data 14 de gèr de 2016, se prepausa ath Plen er ajustament deth calendari laborau entar exercici 2016.

Un viatge sotmetuda era prepausa a votacion e debat, s'obtien **tretze (13) vòts a favor** deth sindic e des conselhèrs Mgfç. Sr. Luis Carlos Medina Modroño, Mgfç. Sr. César Ruiz-Canela Nieto, Mgfç. Sr. Francesc Medan Juanmartí, Mgfç. Sr. Jose Enrique Arró Cuny, Mgfca. Sra. Anna Diaz Morello, Mgfç. Sr. José Antonio Boya Quintana, Mgfç. Sr. Francés X. Boya Alós, Mgfç. Sr. Francisco Bruna Capel,

Mgfc. Sr. Amador Marques Atés, Mgfca. Sra. Maria Pérez Vergés, Mgfc. Sr. Juan Antonio Serrano Iglesias e Mgfc. Sr. José Antonio Bruna Vilanova pera quau causa s'acòrde per *unanimitat* des tretze (13) membres presents deth totau de tretze que formen era Corporacion:

Prumèr.- Ajustar eth calendari laborau deth Conselh Generau d'Aran e der organisme autonòm locau Foment Torisme Val d'Aran as ores annaus de treball efectiu, entar exercici 2016, que remèrque er art. 3 dera *Resolución de 28 de diciembre de 2012, de la Secretaría de Estado de Administraciones Públicas, por la que se dictan instrucciones sobre jornada y horarios de trabajo del personal al servicio de la Administración General del Estado y sus organismos*, modificada pera Resolución de 16 de septiembre de 2015, de manèra qu'a compdar deth dia 1 de junh e enquiath 30 de seteme de 2016 (andús includidi) er orari de treball s'establís de 8h a 15h entà tot eth personau d'oficina (damb es madeishes equivaléncies a temps parciau e jornades redusides).

Dusau.- Establir eth dia 26 de deseme de 2016 coma dia non obrant en compensacion deth dia hestèr locau establhit en calendari laborau entar an 2016, en aplicacion der art. 9.3 dera Resolucion de 28 de deseme de 2012 dera Secretaria de Estado de Administraciones Públicas.

Tresau.- Ajustar eth calendari laborau des collectius damb oraris especiaus o per torns, de manèra que se compensen eth nombre superior d'ores de promiei der an 2015.

Quatau.- Suspéner e deishar sense efècte es Acòrds, Pactes e Convènis vigents que contradiguen çò dispausat en punt 3 dera nomentada Disposicion addicionau 38au.

Cincau.- Notificar aguesta resolucio as treballadors e as organ de representacion des treballadors deth Conselh Generau d'Aran.

Siesau.- Facultar ath sindic d'Aran, en nòm e representacion deth Conselh, entara signatura de toti es documents publics e/o privats que siguen de besonh entà hèr efectives era tramitacion e execucion der acòrd anterior.

E en non auer mès ahèrs a tractar, se lhèue era session tàs onze ores deth dia dètz-e-ueit de gèr de dus mil setze, dera quau s'estien aguesta acta signada peth sindic e jo, eth secretari generau, que ne dongui fe.

Eth secretari generau

Vist e platz  
Eth sindic